



Arubaanse Courant

Anja 26

DIALUNA 6 JULI 1964

No. 5076.

SINDICATO O.C.T.A. TA PONE ULTIMATUM NA FIRMA MC.KEE

SAN NICOLAS, 6 juli.- E firma mericano contratista Arthur G. Mc Kee & Co., cu na Lago ta haciendo trabao di extencion pa e compania y tin cien y cuarenta persona den servicio, desde di promer di e luna aki ta worde menaza cu un conflicto di trabao cu e union OCTA Union Cristiano di Trahadornan Arubano. Esaki a worde participa diasabra pa e oficina di abogado Mr. H.C. Willemse, cu ta defende e interesnan di Mc Kee. Manera cu asuntonan tabata diasabra e union lo a cuminsa ayera pa siet'or cu declaracion di un conflicto di trabao, si acaso e manager di Mc. Kee promer cu esey no muestra di ta di acuerdo pa reconoce e union como e unico representante di majoria di e cien y cuarenta trahadornan y cuminsa cu deliberacionnan pa mihor salarionan, reglamentonan social etc.

Segun diasabra atardi a worde informa na prensa edificadnan a cuminsa dia promer ultimo, ora cu e manager di Mc Kee a worde yama na telefon pae presidente di OCTA senyor Frans Lodewijk Maduro, kende a bisa cu e union ta representa majoria di e trahadornan di e empresa ey y awor ta desea di cuminsa deliberar tocante algun mehoracionnan cu nan lo trece adlanti. Pero e manager no a reacciona ariba esaki como cu segun su opinion na promer lugar via di telefon e no tin ningun identificacion di kende ta yama y alavez como cu e no tin siguridad cu enberdad majoria di e empleadonan cu ta

traha pe ta miembronan di OCTA y cu alavez Mc Kee tin un contract escrito cu tur e empleadonan.

Ya e siguiente dia caba parse Mc Kee a ricibi un carta den cual ta worde constata cu enokier delibera cu OCTA. Den e carta aki e ta worde conseha pa cambia su actitud promer cu fin di siman. Despues di e carta aki e manager di Mc. Kee a acudi cerca Mr. Willemse pa su apoyo dene caso aki.

No mucho despues e contesta di Mc Kee a worde duna, den cual senyor Maduro ta worde pidi pa muestra comprendimento y pa no trata di regla tal asuntonan di asina importancia cu un yamada telefonico. Alavez a worde muestra cu Mc. Kee na ningun momento a nenga di tene relacionnan cu cuakier union, pero cu hustamente y comprendibel nan anenga di reacciona ariba e yamada telefonico di un persona desconoci pa nan. En general, segun e carta, Mc. Kee no tabata contra pa delibera cu un union Bona Fide.

Pa motibo di e contacto cu despues a sigui e directiva di OCTA a priminti di ultimamente diasabra entrega e pruebanan exhi, for di cual lo resulta cu enberdad e majoria di e empleadonan di Mc. Kee ta afilia cu OCTA. Mc Kee a priminti di despues di hanja tal prueba nan lo reconoce OCTA. Entretanto senyor Maduro a laga Mc. Kee sabi cu si diasabra OCTA no ta reconoci pa Mc. Kee anto dialuna dia seis di juli (esta awe) nan lo proclama un huelga na e empresa aki. Como contesta ariba esaki Mc. Kee a laga sabi cu e ultimatum aki no ta razonable. Pues como cu te na e momento ey e directiva di e empresa no tabata sabi nada di un conflicto di trabao cu e empleadonan.

Apesá cu na promer instancia Maduro a priminti di hala e ultimatum atras te ora cu e prueba worde duna cu majoria di e empleadonan di Mc Kee ta miembro di OCTA, despues e alaga sabi cu sin embargo e lo mantene e ultimatum, esaki apesar di sabi cu e empleadonan di Mc. Kee tur tin un contracto di trabao escrito cu e compania.

Segun a resulta diasabra durante di e conferencia di prensa na oficina di mr. Willemse, a worde corresponde masha hopi entre dia promer y dia cuatro di juli. Den

FATUM

Pa tur bo aseguran

Tel. 1845.

e tempo aki tres ultimatum a worde duna door di OCTA. E promer tabata contene cu por ultimodiasabra ultimo diezdos'or di merdia e union lo a worde reconoci como partner di deliberacion pa mihor salarionan y reglamentonan social etc., como cu si esaki no tuma lugar lo tin huelga e di dos mescos pero entrante dialuna sietor y di tres mescos pero diadomingo sietor. Pero diasabra merdia ora cu e conferencia di prensa a worde teni e prueba no a worde duna ainda door di OCTA y Mc Kee te na e momento tabata di acuerdo pa cuminsa papia asina cu e prueba worde duna. E acuerdo aki Mc Kee a mantene apesar di e manera stranjo, segun nos a worde declara, e confianza den OCTA como un partner di deliberacion a worde poni den mal bista y apesar di e echo cu e directiva no ta na altura di ningun conflicto cu su trahadornan y tur trahador tin un contract escrito di trabao.

"Bo ta crea un conflicto", segun Mc Kee a contesta OCTA den un di e diferente cartanan, "bo actitud ta contra di tur comprendimento di ta razonable y cuidadoso y nos ta mantene nos derecho pa si acaso boso actitud causa danjo na nos empresa door di accionnan ilegal di e union, busca nos derecho via di e instancia nan pa esaki", segun nos a worde informa diasabra mainta e intermediador di land, mr. Frank Hartong a worde poni na altura

BISANOS

E motibu pakiko mi ta haha "Arubaanse Courant" un diario asina bon, pasobra pa mi e ta un ilusion grandi, cu su noticianan favorable.

Marianita Gomes
Sabana Liber 55.



Diabierna atardi a tuma lugar na John F. Kennedy School entrega-mento di diploma na e alumnonan cu a pasa nan examen di U.T.S. L.T.S. cu bon exito. Aki senyor G. Groters, hefe di e school ta entrega e diploma na Karl Arndell, kende segun senyor Groters na school ta worde jama Karelte. (Karl Chikittin).

Juan Hoevertsz a hoga na Taratata werf

ORANJESTAD, 6 juli.- Tragicamente a fallece ayera mainta banda di diez'or e hoben di binti tres anja Juan Hoevertsz di San Barbara 75.

Segun informacion for di banda di polis sr. Hoevertz un empleado di La Esperanza na Oranjestad, a bai landa na e lugar menciona, pero no tabata sa landa mucho bon y sin embargo di un moda of otro a hanja su mes den lamar hundo y a hoga tragicamente. Door cu e awa na e lugar ey ta sushi tabata dificil pa hanja e hoben mes ora. Ora cu el a worde hanja el a worde duna respiracion artificial, pero esaki a resulta di ta envano. Ayera tardi cinc'or el a worde dera na santana di Santa Cruz.

di 10ke ta tumando lugar.

DESAROYO

Segun nos a worde informa no tabatin mucho desaroyo mas despues di e conferencia di prensa diasabra y diadomingo. Pero si parse cu Mc Kee a ricibi e noticia, cu e ultimatum, cual segun e ultimo carta lo a drenta vigor diadomingo mainta ta un error di scribimento. E mester ta dialuna mainta sietor manera cu worde bisa anteriormente tambe door di OCTA pero ta muestra si cu Mc Kee pa tene e deliberacionnan cu union ta duna dos condicion claro: Esta cu fuera di un "prueba"

TOPA CU BO

AMIGONAN DEN
CHI-KOE-CHA
Coffee-shop

tambe e anulacion di e ultimatum. E firma mericano no kler papia cu "cuchu ariba mesa" e posicion di senyor Maduro den henter e asunto aki no ta mucho cla tampoco. Senyor Maduro ta firma tur su correspondencia cu Mc Kee "den number di OCTA". Cual posicion e tin den e union aki no ta conoci cerca Mc Kee of su abogado.



SABOR CU NUNCA TA
VARIA

IT NEVER VARIES.

ARUBA A CONQUISTA SERIE COMPLETO DI VOLLEYBALL

(Di nos redactor deportivo)

ORANJESTAD, 6 juli - E dos Portorikenjo cu a hunga un serie di tres wega contra dos seleccionnan Arubano no a logra ni un solo triunfo. Despues cu ariba cancha di Aruba Jrs diahuebs anochi tanto e seleccion femenino como esun masculino local a gana, nan a ripiti esaki diabierna anochi ariba cancha di Estrella na Sta. Cruz y atrobe diasabra anochi na Lago Sport Park. Na Estrella e damanan Arubano a cuminsa malo diabierna perdiendo e promer game 4 pa 15 y e di dos 10 pa 15. Pero nan espiro di pelea no a disminui cu e desventaja di dos game ey.

Cu 15 pa 5 Aruba ta gana su promer game di e anochi. Luego e partido ta empata ora cu Aruba ta gana 17 pa 10, loke ta forza e wega bai te na su maximo esta 5 game. Esun decisivo akt ta worde gana door di Aruba tambe cu score di 15 pa 11. Asina e damanan Arubano cu fuerte y antmado reaccion a converti ike tabata parece derrota sigur den un triunfo mereci. E partido a caba pues 3 pa 2 den favor di e Arubanoan. Tambe den e partido masculino e promer game ta caba den favor di e visitantenan 15 pa 11. Cu 16 pa 14 Aruba ta empata e match y luego ta obtene e dos siguiente gamenan 15 pa 10 y 15 pa 9 pa gana e match 3 pa 1. Diasabra anochi e ultimo dos weganen di e serie a tuma luga den Lago Sport Park, caminda tabata tin un publico basta grandi presente. E dos weganen aki no a worde hunga cu e acostumbrado sistema di best of five, pero cu e sistema di best of three.

Atrobe e partido femenino a bai hopi parecu sin cu e equiponan a permiti e otro mucho ventaja. E damanan Arubano a gana e encuentro akt 2 game pa 1. E partido masculino tabata ta mucho menos emocionante cu esun femenino debi na cu e equipo local a supera e visitante nan cu hopi facilidad. E triunfo tabata di 2-0 y no tabata den dificultad ningun momento. Cu e dos triunfonan aki di diasabra anochi, e serie a worde gana den forma completo door di e dos seleccionnan Arubano. Den gran forma pues e volleyballistanan local a sabi di percura pa un glorio Arubano.

TROFEO PA PTO. RICO
Despues di e partido e president di Aruba Volleyball Association a dtrigi palabra na e concurrencia felicitando e hungadornan local pa nan merecido triunfonan y felicitando e hungadornan local pa nan merecido triunfonan y felicitando tambe e visitantenan pa nan magnifico deportividad. Tur e partidonan a worde

hunga den un esfera sumamente deportivo. Na e publico pa su asistencia Lago Sport Park pa su cooperacion y tambe e otro clubnan Aruba Jrs y Estrella, president van Putten tabata tin palabranan di gratitud. Srta. Frieda Wiersma, candidata di Aruba Volleyball Association pa e titulo di Reina di Deporte, luego a entrega e trofeonan pa e serie na e representantenan di e seleccionnan Portorikenjo como recuerdo di e encuentronan.

TA BENDE

UN CAS

comodo, y fresco, situa na Seroe Patrishi nr. 43.

Pa comprador solido, bon condicion di pago.

Pa mas informacion jama tel. 1163

STENO en TYPEN



ST. GERARDUS CURSUS



BOTICA ARUBA

Personal competente
+ Maquinaria moderna
= Servicio excelente.

Jama No. 1080 - 1081
of 1180

y nos ta busca bo recept y entrega e remedi na bo cas.

- DECIMO A.S.U. OLYMPIADA -

awe, dialuna 6 juli

lugar: WATAPANA CLUB

entrada: GRATIS

TA BENDE

FORD PICKUP

1-ton

Auto fuerte - anja 1961

2 anja den uso di Lago, 1 anja na Arubaanse Courant.

Cu treeplank y grijpbeugels bandi patras. Bon manteni - motor y body den bon condicion!

Pa mas inf: Acudi na Arubaanse Courant, Nassastraat 85 of jama tel. 1116/2116.

BON NOTICIA PA SENJORA Y SENJORITANAN!

Awor nos departamento especialmente pa

SAPATO Y TAS

ta completamente re-organisa

Ta un placer pa bo escohe bo sapato of tas, den e seccion agradable y aire - acondicionado. Bishtta nos, y convence bo mes.



La Linda

BO A PIDI

GAS CABA?

1898 - 1198



TA HUUR

UN CAS NA HOOIBERG 51A.

E TIN 3 KAMBER, SALA, COMEDOR, CUSHINA Y UN CURA GRANDI PA PLANTA MATA.

Pa inf.: Acudi na Hooiberg 52, of jama tel. 1543.

A.V.B. TA TAHA MIEMBRONAN

(Di nos redactor deportivo)

ORANJESTAD, 6 juli - Nos por a lesa fin di siman cu a caba un circulario cu directiva di Aruba Voetbal Bond a saka pa tur e clubnan afilia, den cual A.V.B. ta menciona e permiso cu a worde nenga na ELMAR y Douane di haci uso di hungadornan cu ta miembronan di clubnan afilia na A.V.B. pa tuma parti den e weganen di futbol contra di Bonaire durante e Decimo Olimpiada A.S.U.

Directiva di A.V.B. ta alega cu e weganen aki a worde organisa sin autortasacion di A.V.B. y cu cuakier hungador di clubnan afilia na A.V.B. cu tuma parti den e weganen aki lo worde castigado. E directiva di clubnan miembro di A.V.B. a worde pidi pa pone atencion na e prohibicion aki.

A.V.B. su directiva ta tuma e

pasonan aki na vispera di e combersacionnan cu nan a pidi cu directiva di A.S.U. tocante cambio di e extstencia contrat tocante uso di Stadion. No mucho dia pasa directiva di A.V.B. a pidi un reunion cu directiva di A.S.U. pero luego nan mes a cancela e reunion pasobra nan boekinanan no tabata cla. No tin un fecha stipula alnda pa e dos directivanan reuni atrobe.

ARUBA PEST

CONTROL CO.

- * Extermination of household pests
- * Elimination of termites
- * Soil treatment
- * Free estimate on request.



Please call: 5039 - 5558.

Exquisita Fragancia



K. Y. Wong



K. W. Wong



D. Marquez



D. R. Henriquez



D. R. Christiaans



K. R. Canhigh



A. E. Leslie



J. A. v. d. Linden



F. Kock



A. Kock



J. Tromp



H. Bislip



B. E. de Cuba

Esakinan ta e 13 personanan cu lo bai studia na universidad na Merca entrante september venidero. E estudio lo

tuma lugar ariba costo di Lago. E 13 aki ta empleadonan den servicio di e compania menciona.

CORSOW A LUCI DEN ENCUENTRONAN JUDO

(Di Nos Redactor Deportivo)

Un publico hopi grandi a acudi diasabra anochi pa presencia e encuentronan di judo den Jeugdcentrum na Tanki Leendert. Atrabes tabata tin un ceremonia promer cu e encuentronan. Himnonan nacional a wordetoca, president di ASU y Aruba Judo Bond respectivamente Tico Kuiperi y G. van der Hulst a dirigi palabranan di bonbini y a desea e participantenan hopi exito.

Door di Ramon Sharpe di Aruba huramento deportivo a worde haci den nomber di tur e participantenan. Tambe a worde presenta meskos cu tur e participantenan e entrenador di fuerzas armadas di Sto. Domingo Manoru Matsunaga, un Hapones residencia na e pais ey, kende luego a actua como arbitro di tur e partidonan. Den e categoria di faha geel e arubano Pedro Vrolijk y e dominicano Giraldes a caba empataden e promer luga. Entre nan a wordeponi un pelea extra pero eaki tampoco a trece un decicion loke mester a worde dicidi cu lot. E dominicano a gana esaki y a keda pues number uno Vrolijk a keda number dos y e curazolenjo Alberto a keda number tres. Nicolas di Aruba den faha oranje a bira number uno sigui pa dominicano H. Calremont y e curazolenjo Jones. Segundo promer puesto pa Aruba a worde gana door di Osefia den e categoria di faha coloberde. Unicamente dos competidor tabata tin den e categoria y tabata Meulen di Corsow cu a keda number dos. Entre e poseedornan di faha blauw tambe tabata tin unicamente dos judokas. Tabata Gutierrez di Sto. Domingo cu a bira ganador y Houtkoop di Aruba. Den e categoria faha bruin e delegacion di Corsow a conquista su promer puesto number uno. Esaki a worde haci door di Claudius Smith kende a gana di Ortega di Sto. Domingo. E cinco ganador aki luego mester a enfrenta otro den encuentronan pa e titulo di ganador di tur categoria. Promer cu esaki sin embargo e arbitro prof. Matsunaga a anuncia cu e, den su calidad di poseedor di faha preto dan number cinco, lo promove e ganador pa proximo categoria. Finalmente a resulta ganador e Curazolenjo Claudius Smith sigui pa Gutierrez y Giraldes tur 2 di Sto. Domingo. E punto culminante a yega poco despues ora cu e tres poseedornan di faha preto a

cuminsa ta enfrenta otro. Sharpe di Aruba a perde contra Paul Perri di Corsow y luego aempata cu Wakita di Sto. Domingo. Como cu Perri a derrota Wakita tambe el a bira ganador di e categoria di faha preto. Pa e segundo luga mester enfrenta otro Sharpe y Wakita. Dos biaha nan ta empata atrobe y finalmente mester bolbe bai over pa tira lot. Uerte tabolbe bando na e competidor Arubano y ta cal na favor di e dominicano Wakita. Prof. Matsunaga luego a dunade demostracion di kata, loke ta un sorto di judo hunto cu Wakita. Tambe cu Sharpe e profesor a dunade demostracion cu a causa hopi admiracion. E premio pa team tambe a worde dicidi cu lot ya cu cada team tabata tin dos promer luga conquista. E lot a favorece e team di Corsow. Door di reina di deporte Srta. Doris Habibe e trofeona a worde entrega.

LOS MARCIANOS A PISKA MIHOR

(Di Nos Redactor Deportivo)

Pa e concurso di Trolling como parti di e olimpiada ASU a reporta ayera marduga na Aruba Caribbean Hotel diestres for di e binti botonan cu originalmente a inscribi. Ora cu ayera mainta pa diesun'or e botonan a regresapiasamento di e piskanen a cuminsa. A resulta di a haci e mihor peska e boto yama Los Marcianos cu su capitan Lucas Kelly y cu alogra mata total di 18 piska cu a pisa 58 kilo loke a duna nan suma di 116 puntos. Como number dos a drenta Eden cual tabata tin total di 98 puntos capitan di Eden tabata Pedro Monart. E otro botonan a logra e siguiente puntuacion: Victoria 62, Siempre Fresco 56, Union 42, Artemis 30. Nome Dela 28, Pascualita 28, Tradewinds 26, Ronny 20, Martiza 12, Helga y Storkings 0. E dos ultimonan aki no a pisa nan piska y a yega laat. Respectivamente door di Milo Croes como miembro di e comite organisador a worde expresa palabranan di gratitud na tur e participantenan y tambe na Aruba Caribbean Hotel mientras cu alavez el a alenta tur pa bolbe sigi competi den e venidero olimpiadan y tambe den e torneo internacional na november. Reina di deporte Srta. Doris Habibe finalmente a entrega trofeonan na e dos promernan, esta Los Marcianos y Eden.

"Kende ta bira reina di deporte 1964 di Aruba?"

Te ainda na cabez: Olga De Kort

Ora cu ayera merdia nos a conta e votonan cu a worde trece aden ariba e diez cuater mucha muhernan cu ta candidata pa Reina di Deporte di Aruba 1964, a resulta cu te ainda Olga de Kort di Amateur Baseball Bond Aruba ta na cabez. E score na e momento ta:

Olga de Kort	27 voto		
Nora Angela	15 "	Millicent Maxwell	4
Yolanda Madonado	14 "	Maria Tromp	3
Myrna Schwengle	9 "	Edith Martinus	2
Roosje van der Linden	7 "	Leoncita Albert	1
Carmen Wernet	6 "	Frieda Wiersma	1
Filomena Dijkhoff	4 "	Carmen Tromp	1

Laundry
at its
whitest



Shirts, sheets, even your finest linens come back whiter than white, cleaner than clean from a trip to our modern, efficient plant, where they're washed and finished to perfection!

Supercleaning

Tel: 5039 - 5558.

DE MINISTER VAN FINANCIEN

maakt bekend dat op 17 juli 1964 om 11 uur v.m.

OPENBARE AANBESTEDING

wordt gehouden op het kantoor van het Hoofd van de Dienst Openbare Werken voor:

Bestek no. 11, dienstjaar 1964 D.O.W.: "Periodiek onderhoudswerk aan de Gezaghebberswoning te Oranjestad - Aruba".

Bestekken zijn vanaf heden op voormeld kantoor verkrijgbaar tegen betaling van f. 2,50 per bestek.

HINDERVERORDENING ARUBA

De wnd. Gezaghebber van het eilandgebied Aruba maakt bekend dat een door de Aruba Agencies N.V. ingediend verzoek met bijlagen om vergunning tot het mogen oprichten van een koel- en vriesrichting en bottelarij in een perceel, gelegen te Oranjestad, Arendstraat z/n gedurende dertig dagen na heden op het Bestuurskantoor, afdeling Algemene Zaken, ter inzage ligt en dat gedurende deze termijn een ieder mondeling of schriftelijk zijn bezwaren tegen bedoeld verzoek kenbaar kan maken.

ENCUENTRONAN DURANTE



Esaki ta e equipo femenino di Puerto Rico cu a participa na e encuentronan di volleyball en conexion cu e siman deportivo di A.S.U.



Diasabra anochi a tuma lugar na Lago Sport Park e ultimo encuentro di volleyball entre e equiponan femenino y masculino di Puerto Rico y Aruba, den e partidonan aki tambe Aruba a sali victorioso. E promer foto ta muestra nos un momento ora un di e hungadornan di Aruba ta claba un smash ariba e defensa di Puerto Rico.



En connexcion cu siman deportivo di A.S.U. a tuma lugar diasabra atardi encuentronan di schermen na Eagle Club. E foto ariba ta muestra nos cu cuanto entusiasmo e participantenan a scherm e atardi. Hasta ariba floer tabatin cu ... lora.



Despues di e encuentronan a tuma lugar e entregamento di copan. Srta. Frieda Wiersma a haci e entrega como candidata representante di A.V.A.



Informacion tocante di e resultadonan serca jury. Completamente na robz e referi di judo, e japonés Mamoru Matsunaga, cu dirigie weganan fantasticamente. Den centro ta sinta e presidente di jury Carlos Bislip cu banda di dje Ramon Sharpe, cu via di microfono tabata duna e publico un splicacion di e encuentronan.



E ganador di e concurso di schermen a resulta senjor J. Verhale, kende aki ta ricibi e medalla desponibel for di man di presidente di schermbond senjor J. Berkhout na drechi.

SIMAN DEPORTIVO DI A.S.U.




Un momento for di un di e encuentronan di judo di diasabra anochi den Centro Juvenil na Tanki Leendert.



E practicaadornan di judo dilanti di e presidente di ASU senjor Tico Kuiperi na ora di su discurso. Mas serca di e fotografo ta para e cinco participantenan di Aruba, Banchi Preto Ramon Sharpe adilanti. Tras di dje ta sigui, Houtkoop, Nicolaas y Vrolijk.



Tin blaha judo ta parse ballet. Aki un momento di e encuentro entre Ramon Sharpe y e dominicano Banchi Preto Wakita. Den clase aki Sharpe a resulta numero dos promer cu e Japones-Dominicano, despues di tira lot. Paul H. Perri di Corsow a resulta ganador den e clase aki.



Aki e judoka Banchi preto di Aruba, Ramon Sharpe pa tur participantenan ta haci e promesadi duna un wegá honorable y deportivo. E encuentronan di judo entre Aruba, Curacao y Sto. Domingo cu a tuma lugar den Centro Juvenil di Tanki Leendert a atrae hopi publico.



Un parti di e publico durante di e encuentronan di judo. Adilanti arriba e stoelnan nos ta mira di robez pa drechi presidente di ASU Tico Kuiperi, Reina di Deporte Doris Habibe y e miembro di ASU U. Van Breet.

ENTREGAMENTO DI DIPLOMA NA JOHN.F.KENNEDYSCHOOL

ORANJESTAD, 6 juli.- Den presencia di gezaghebber interino I.S. De Cuba, deputado G.A. Oduer, secretario di teritorio insular A. Bool Jr. Inspector di ensenanza na Aruba senjor F. Tromp, pastoor N. Erkamp, maestronan di e school tecnico na Oranjestad y majornan di alumnonan cu a bin busca nan diploma di LTS of UTS senjor G. Grotes hefe di John F. Kennedy School den un lokaal di e school menciona a haci entrega di e diplomanan na e hobennan cu a graduapa nan examen.

Di Lagere Technische School departamento Bankwerken a slaag, E. Carti, C. Ras, R. Blijden, A. Jeandor, H. Vrolijk, A. Maduro, T. Semeleer, A. Kelly, H. de Miranda, A. Briezen, L. Klap Haak, I. Richinsin, A. V. Anthony, E. De Cuba, H. Thijssen, Karl Arndell, F. Elights, V. Ganger, K. Naarden, D. Perotte, J. Ruiz y M. Thijssen.

E mihor candidato di esakina tabata Hendrik Vrolijk.

Pa electrotechniek apasa cubon exito:

L. Boekhoudt, M. Burke, J. Croes, G. Maduro, J. Hoek, E. Ponson, M. Britten, P. Celalre, A. Croes, J. Croes, J. De Cuba, J. C. Dake, R. Kock, J. Lampe, L. Lopez, G. Ras, M. Tromp, Milo Arends, C. Croes, J. Maduro, D. Tromp.

E mihor candidato tabata Julio Lampe.

Pa carpinteria a pasa Rupert Ponson, F. Bernabeia, F. van der Biezen, J. Fernandez, B. Loefstop, J. R. B. Tromp, F. Tromp.

E mihor tabata Jose Fernandes.

Pa mesia a pasa V. Orman, C. Christiaans, P. Farro, A. Harms, R. Paesch, L. Ruiz, D. Winterdaal.

E mihor tabata Clemente Christiaans.

Pa automontage a pasa Rafael

Cornett y Pedro Geerman.

Den werktuigbouwkunde a ricibi nan diploma T. Croes, P. Tromp, F. Cornonell, H. Inocencia, I. Kelly, I. Kock, N. Olive, D. de Windt, J. Croeze. E mihor tabata Ivan Kelly.

Pa electro techniek a pasa E. Constancia, J. Croes, J. Dirks, M. Hassell, S. Nicholls, R. Dellimore. E di mihor tabata Juan Croes. E ultimo dos gruponan aki tabata di UTS.

Na fin di e entregamento di diplomanan deputado Oduer y senjor Groters a dirigi palabra na e presentenan y especialmente a musta e hobennan ariba kiko ta nan deber y kiko Aruba ta spera di nan.

Ofrenda floral pa dia di independencia Venezolano

ORANJESTAD, 6 juli.- Ayera mainta banda di li'or a tuma lugar na Plaza Bolivar dilanti Sociedad Bolivariana un ofrenda floral na ocasion di dia di independencia di Venezuela. Na e ceremonia aki tabata presente gezaghebber interino I.S. De Cuba, deputado F. J. Tromp, president di Lago senjor Murray, vice presidente Nystrom, presidente di Sociedad Bolivariana senjor Jorge De Castro, presidente di comunidad Venezolano senjor Alfonso Mirep y representantenan di cuerpo consular na Aruba.

Despues cu senjor R. Maldonado a dirigi palabra di recordamento

di e lucha pa independencia di Venezuela e diferente presentenan a haci nan ofrenda floral e.o. di B.C.

Comision di arbitrage: Juventud castigabel, A.V.B. carga gasto

(Di nos redactor deportivo)

ORANJESTAD, 6 juli - E comision di arbitrage en cuestio e conflicto entre Aruba Voetbal Bond y Juventud Millonarios a completa su trabao y a entrega su desicion na Griffie.

E desicion primordial di e comision ta bisa cu Juventud Millonarios ta castigabel debi na cu nan a comete un infraccion. A worde considera un infraccion ora cu Juventud mientras cu e tabata tin un prohibicion por escrito di parti di directiva di A.V.B. tog a bai hunga na Pto. Rico.

Pa e mero hecho aki Juventud merece castigo. Loke pues e secretario di A.V.B. Chai Lacie verbalmente a wordepriminti na Juventud no por a worde tuma na consideracion ya cu tabata tin un prohibicion por escrito caba tuma door di henter e directiva di A.V.B. y mas ainda como cu loke e secretario di A.V.B. luego no a hanja aprobacion di directiva di A.V.B. E comision di arbitrage a hanja bon anto cu Juventud ta worde geschorst pa dos siman cumenzando for di diasabra dia 4 di juli y cabando dia 18 di juli. E gastonan di e comision di arbitrage calcula na f. 500, tin di worde partt igualmente entre A.V.B. y Juventud. E gastonan di abogado di Juventud Millonarios, calcula na f. 200 tin di worde paga door di A.V.B. como cu AVB door di aplicacion

robes di su propio reglamento nan a obliga Juventud di busca su derechonan door di bai cerca Huez. Asina ta cu mayoria di e gastonan envolvi cu henter e conflicto aki, segun e comision di arbitrage mester worde carga door di Aruba Voetbal Bond. SUSPENSION DI N.A.V.U. - Manera nos a yega di publica mas di un biaha caba directiva di N.A.V.U. a dicidi basta tempo pasa caba cu Juventud Millonarios mester worde suspende pa durante un aña. E suspencion aki ta basa ariba e hecho cu Juventud a dicidi di acudi na Huez den Promer Instancia den un caso contra di A.V.B. Reglamentonan di N.A.V.U. y di F.I.F.A. ta talia ciubnan di bai na Huez y pues pa e infraccion aki directiva di N.A.V.U. a dicidi di suspende

Juventud pa durante un aña. E suspencion aki realmente no tin nada di haci cu e castigo di e comision di arbitrage na Aruba su desicion. E comision a dicidi ariba e culpabilidad di Juventud den su weganan hunga na Pto. Rico, mientras cu N.A.V.U. a tuma e paso di Juventud di bai cerca Huez na consideracion pa impone e severo castigo di un aña.


Mirando e asunto aki bon anto nos ta hanja cu, manera e comision di arbitrage tambe a bisa, Juventud Millonarios a bai na Huez pasobra directiva di A.V.B. no a duna Juventud chensnan di a pelacion manera su propio reglamento ta exige, pero ora cu Juventud a haet esaki el a expone su mes na un castigo di parti di N.A.V.U. cu naturalmente lo no laga e cheas aki pasa. No ta nada stranjo si den cuestion cu e suspencion di N.A.V.U. mas problema boibe surgi den e conflicto, cu en realidad awor mester, cu e desicion di e comision di arbitrage, pertenece na pasado.

Henk Bastiaanse promer riba floret pa junior.

Ayera mainta den Eagle Club e encuentran di floret di junior a tuma luga perteneciente na e olimpiada ASU. E encuentran aki a worde gana door di e hoben Henk Bastiaanse cu a logra cinco triunfo. Sin embargo e promer puesto mester a worde dicidi entre e y John Hilgers kende tambe a cabacu cinco triunfo. Den e partido di desempate entre nandos Henk Bastiaanse a resulta e mihor. Number dos a keda John Hilgers number tres Raymond De Moulin cu cuatro triunfo number cuatro Marius Balleuz cu tres victoria number cinco Kees Bastiaanse cu tres triunfo number seis Martha Bastiaanse cu un triunfo y na ultimo luga Roel Paaijman cu cero triunfo. Martha Bastiaanse tabata e unica mucha nuher den e competencia aki. Na e promer tres esgrimistanan e premionan a worde entrega door di e president di ASU Tico Kuiperi.

Siete empleado di lago pa Lima

SAN NICOLAS, 6 Juli. - Cinco empleado di Lago ultimamente asigui un curso special den e centro di estudio di Latino America na Lima, Peru, tocante di pintamento tecnico. Tabata senjornan R. van Heeswijk, E.F. Wolff, M. Angela, G. J. Cvejanovic y C.R. Rimmer. Un curso special di boekhouding a worde sigui na e mes un centrum pa senjornan J.T. Hagenbarth y V. Tjin Tham Sjini di departamento di accounting na Lago.



ARUBAANSE COURANT

Ta busca pa drenta servicio pronto

HEFE PA DEPARTAMENTO DI ANUNCIO

Personanan casa, riba 25 anja, cu un bon educacion general, capacidad pa traha bon anuncionan y comercial tin preferencia.

Un bon salario ta worde ofreci.

Dirigi solicitacion por escrito cu indicacion personal completo, trabounan anterior y referencianan, bou di letter "CA" na oficina di e diario aki, Nassaustraat 85.

Despedida di Hille; puesto na D.O.W. ta desaparece

ORANJESTAD, 6 Juli. - Diasabra atardi a tuma luga den Restaurant Trocadero na Oranjestad despedida di senjor J. Hille, como sub-hefe di Dienst Openbare Werken. Cu e balda di senjor Hille pues segun informacion e puesto di sub-hefe lo no worde manten mas na e oficina menciona. E enteres na e despedida tabata grandi pa parti di colleganan y amistadnan, mientras cu for di parti di gobierno di teritorio insular no tabatin representante; segun informacion pasobra B.C. no a worde invita.

E hefe di D.O.W. senjor N. Schuit a dirigi palabra di despedida na senjor Hille y senjora. En breve senjor Schuit a repasa e carera di senjor Hille na Aruba, con nan a bin Aruba hunto y a traha hunto durante 25 anja. E hefe di D.O.W. tabatin hopi elogio pasu colega y a desea e y familia lo mihor den nan futuro bida na Hulanda. Tambe el a muestra cu ta lastima cu e posicion di senjor Hille despues di maart vendero lo no existi mas na D.O.W., door di cual yunan di tera cu capacidad ta perde e oportunidad di hanja e preparacionnan necesario pa puestonan di responsabilidad. Senjor Bonny Croes di Petrona & Croes tambe

a dirigi palabra di aprecio cu e contratistanan semper por a hanja di senjor Hille. Senjor Geo Scott, arquitecto na Petrona & Croes tambe a dirigi palabra di despedida. Como promer cu ultimo orador ministro E.O. Petronia a tuma palabra pa duna despedida na un ex-colega. Na number di e empleadonan di D.O.W. senjor Schuit despues a entrega un holoshi di oro na senjor Hille y un broche na su senjora. Poniendo punto final na e parti oficial di e ceremonia senjor Hille a duna palabra di gradicimento pa e palabranan cu a worde dirigi na e y tambe pa e tempo cu e por a trahana Aruba.

SOFTBALL

DEN OCHO INNING STO. DOMINGO

A GANA PROMER WEGA 18-11

(Di nos redactor deportivo)

ORANJESTAD, 6 juli - Diasabra anochi e promer di e serie di dos weganan di softball a worde hunga den Wilhelminastadion. Promer cu e partido a cuminsa tabata tin e ceremonia di customber cu tin na ocasion di weganan internacional. A haci uso di palabra Milo Croes, president di Aruba Softball Bond, y e Consul di Sto. Domingo, Sr. H. Ricardo.

E visitantenan a habri score den e promer inning mes caba anotando tres carrera contra di pitcher abridor Leo Kuiperi di Aruba. Nan tabata tin dos single y un tubey.

Den e mes inning Aruba a empata cu tres carrera tambe mediante base por bola, tubey y fly di sacrificio.

E empate ta kibra den e segundo inning cu un carreda dominicano. Pero den e cuarto inning Aruba tambe ta anotabohe empate.

St. Domingo ta bolbe bai ariba den e quinto eptodio cu cuatro carrera, y Aruba ta responde den cierre di e inning cu dos carrera, loke a pone e score na final di e quinto 8-6 pa Sto Domingo.

Pa promer biaha Aruba ta bai ariba den inning numbers seis. Un total di cinco carrera ta worde anota door di e arubananan, di cualnan dos tabata debi na un homerun di Feki Caster cu un companjero na base.

Aprochevando nan ultimo oportunidad na bate den e septimo inning St. Domingo ta cruza home total di tres biaha pa empata e partido na 11 carrera, loke a forza extraining.

E octavo inning ta trece debacle pa e novena local ora cu e dominicanonan ta manda nada menos cu 7 homber home pa bai

ariba 18-11. Den e inning aki a drenta como lanzador pa Aruba Leonardo.

Bateando den segundo mitad di e extraining Aruba ta anotatres carrera. Asina pues e partido a bin finaliza 18 pa 14 den favor di Sto. Domingo cu tabata tin 16 hit conecta y cinco error cometi.

Aruba a conecta 13 hit y a pifa 4 biaha.

Pitcher ganador tabata A. Gomez, kende a lanza henter e encuentro pa e visitantenan.

Pitcher perdedor tabata Leonardo.

Tico Kuiperi a retira di OCTA

ORANJESTAD, 6 Juli. - Senjor Tico Kuiperi ultimamente a pidi su retiro como presidente di e sindicato O.C.T.A., union cristiano di trahadornan Arubano.

Kende lo remplase no a worde anuncia ainda door di OCTA.

YA BO A LAGA NOS SA TA KENDE TA BO CANDIDATA FAVORITA PA REINA DI DEPORTE 1964?

**Entrega bo cartanan na nos redaccion:
Nassaustraat 85,**

AGENDA

ARUBAANSE COURANT

diariamente cu excepcion di diadomingo
 subscripcion f. 3.25 pa luna
 edicion los 20 ct.
 edita pa:
 N.V. ARUBAANSE DRUKKERIJ
 - en UITGEVERS - en PUBLI-
 CITEITS MIJ.

Imprimi na:
 N.V. DRUKKERIJ
 "DE STAD"

Teléfono 1116 Directiva y redac-
 cion, 2116 Anuncio y subscrip-
 cion.

Directeur hoofdredacteur:
 D. Wolff.

POR CUMPRAR ARUBAANSE
 COURANT NA E SIGUENTE
 LUGARNAN:

NA ORANJESTAD:
 BOEKHANDEL MARISKA,
 PIET SODA FOUNTAIN,
 REFRESQUERIA INGRID.

NA SAN NICOLAS
 NICOLAAS STORE,
 UNION STORE.

BOTICANAN DI WARDA

Oranjestad Botica Del Pueblo
 Tel. 1253-2154.
 San Nicolas Botica San Lucas
 Tel. 5119

CINE

De Veer: 8.30 p.m. Rampage" 18j
 Rialto: 8.00 p.m. "Beyond the Cur-
 tain" 18 j
 Principal: 8.00 p.m. "Palm
 Springs Weekend" 18 j
 Aurora: 7.30 p.m. "Donde Las Dan-
 las Toman" all
 Savaneta: 8.00 p.m. "Taras Bul-
 ba" 14 j

TELEARUBA

5.30 Cartoons
 6.00 Annie Oakley
 6.30 Dutch Film

6.45 Papiamento Newscast Live
 & Filmnews
 7.30 The Flintstones
 7.45 Papiamento Sportnews
 8.15 I love Lucy

8.45 Have Gun Will Travel
 9.00 English Newscast Live
 & Filmnews
 10.00 Dutch Film
 10.30 Dutch Venture

RADIO KELKBOOM

7.00 Opening
 7.02 Bon dia cu Alegria (Instru-
 mental)
 7.30 Noticia Internacional (Am-
 stel)
 7.45 Musica Matutino
 8.00 Selecccion musical cu dis-
 conan Latino
 8.30 Cumpleaños Feliz
 9.00 Noticia Social
 9.15 Musica Varía
 9.30 Melodias Instrumental
 10.00 Noticia Internacional
 10.05 Ritmos Latinos
 10.30 Programa di N. Habibe Jr.
 11.00 Noticia Internacional
 11.05 Musica Norte Americana
 11.15 Musica Antillana
 11.30 Musica Varía
 12.15 Noticia Internacional (Am-
 stel)

12.30 Musica Norte Americana
 12.45 Noticia Local (Vlana)
 01.00 Variacion di Ritmo latino
 01.30 Mei ora cu Boleros
 02.00 Novela (Repeticion)
 02.30 Peticiones
 03.15 Ritmos di Caribe
 03.45 La Macorisana & Inter-
 nacional Supermarket
 04.00 Musica cu sabor Azteca
 04.30 Noticia Local (Helneken)
 04.45 Cocktail Musical
 05.00 Danzones Cubanos
 06.30 Musica para la Cena
 07.00 Noticia Internacional pa-
 plamento
 07.15 Musica Aleman
 07.45 Musica Norte Americana
 Instrumental
 08.15 Novela (Colgate)
 08.45 Musica Varía
 10.00 Sluiting.

RADIO VICTORIA

6.00 Peticiones
 6.15 E Bijbel Habri
 6.30 Ultimas Noticias
 6.45 Ecos Del Cleio
 7.15 Bo Musica Favorito
 7.45 El Sendero De Vida
 8.00 Canticanan Di Evangelio
 8.15 Mundo Femenino
 8.30 Ultimas Noticias
 8.45 Musica Di Banda
 9.00 Noticias Español
 9.15 Melodias Del Alma
 9.30 Morning Melodies
 10.00 World News
 10.10 The Bible For You
 10.15 Through The Bible
 10.45 Organ Melodies
 11.00 Chapel Of The Air
 11.15 Novela Cristiana
 11.30 Melodias Di Merdia

P.M.
 12.00 Ultimas Noticias
 12.15 Musica Sagrada y Medi-
 tacion
 12.24 Thought For The Day



E trío di modelonan aki a hala masha tantu atencion ora qu nan a bai sosega algun minuut pa bebe un kofie na un di e cafetinnan di Paris. Nan tin un pruk perta bisti mientras qu nan tabata entrenando pa un creacion nobo di pelnada. Pa e estreno real nan lo ta limpi di berdad.

12.30 World News
 12.45 Quiet Time
 1.00 Radio Concert Hall
 2.00 Reading Room
 2.15 Songs Of Zion
 2.30 Quiet Hour
 2.45 Radio Revival
 3.15 World News Headlines
 3.20 Ensueños Musicales
 3.45 La Hora Bautista
 4.15 Ultimas Noticias
 4.30 Vertel Uurtje
 4.45 Noticias Español
 5.00 Musica Di Banda
 5.15 Palabranan Di Bida
 5.30 Lago Hour
 6.00 World News
 6.15 Psychology For Living
 6.30 Sailor Sam
 6.45 Listening Post
 7.00 Musical Interlude
 7.15 Off The Record
 7.30 Back To The Bible
 8.00 Musical Gems
 8.30 Nederlands Nieuws
 8.45 De Groene Weide
 9.00 Klasseke Muziek
 10.00 Sign Off

RADIO CARACAS TELEVISION

8.45 Senderos de luz
 9.00 T.V. Educativa
 9.30 Cosas de mujeres
 11.15 El hogar y la moda
 11.45 Novela
 12.00 Noticias
 12.05 Show de Renny

13.45 Se necesita una amiga
 13.35 Cortos
 14.00 Yo se lo vendo
 14.30 Documental
 15.00 Estudio de Hector Monte-
 verde
 15.30 Perfecta ama de casa
 16.00 Mejías y sus muchachos
 17.00 Fuego de juventud
 17.30 Patrulla fantasma
 18.30 A gozar con salami
 19.00 Las enfermeras
 20.00 Yolanda Moreno
 20.30 Radio Rochela
 21.00 El observador Creol
 21.15 M. Squad
 21.45 Dick Powell
 23.00 Cine en español

Noticianan di polis

SAN NICOLAS, 6 Juli. - Diabier-
 na marduga banda di dos or pa
 troulla na San Nicolas, a tende
 kibramento di glas den Helfrich-
 straat. Aya nan a constata cu e
 caballero G. bao di influencia di
 alcohol a kibra glas di un perce-
 la den e calla menclona. E caba-
 llero a worde hiba warda camin-
 da ei a hanja un cuarto gratis.
 Diasabra marduga un poco pro-
 mer cu tres, polls a detene na
 Bubali e auto A-3620 maneha pa
 un tal G.Y. kende tabata bao di in-
 fluencia di alcohol. Poco prome
 e auto menciona a dal un palo di
 luz ariba Lloyd Smith Boulevard
 na altura di Eagle y a sigui cor-
 re. Danjo na e auto ta dos cien y
 na e palo di luz seis cien florin.

A keda deteni acusa di a comete
 un robo di radio di auto e hoben
 A.J. di 19 anja, V.G.R. di 21 an-
 ja, V.V.R. di 20 anja.

Mohammed cu encargo pa estudio di ley

ORANJESTAD, 6 Juli. - E griffier
 substituit na Aruba, E.J.E. Mo-
 hammed dia 25 di agosto lo sali cu
 su famia pa Hulanda pa seis siman
 di verlof. Despues di esaki e lo
 hanja su encargo di estudio for di
 gobierno pa completa su estudio di
 ley. Ya ei a hanja e oferta pae es-
 tudio, y un ora pa otro e ta spera
 e confirmacion di esaki por escri-
 to.

Buki tocante submarino pa muchanan di school

SAN NICOLAS? 6 Juli. - Alumno-
 nan di diez siete school na Aruba
 a ricibi ultimamente for di depar-
 tamento di relacionnan publico di
 Lago un buki den cual e atake ari-
 ba e compania door di e submarino
 aleman ta worde scirbi. Aki ta
 trata di e atake di e submarino a-
 leman no. 156 cu mainta tempran
 dia 16 di februario 1942 a hacie a-
 take. Den Graf von Zinzendorf
 school na San Nicolas te ainda tin
 un buraco den e muraya caminda
 un di e granatanan di e boto a dal.

"DESTINO FAVORABLE" NOVELA

No. 9.

"Mi Dios, casi mi a lubida, mi mester
 a manda cumindamento pa bo, di
 parti di bo amigo Brandt. El a
 bisa, cu bo mester skirbie di ves
 en cuanto?" Bo conoce mi amigo?
 ei a puntra sorpresa. "Si, ya
 ta varios anja caba, cu mi ta traha
 cu su secretaria. E ta un bon e-
 hemplo como hefe." "Asina... bo
 ta su secretaria". Algo den e vos
 di e homber a haci Jetta paga
 bon atencion. "Bo ta bisa esaki
 un poco strango, Sr. Derix, tin
 algo particular cu esey?" El a
 sonrei. "No, no mi ta puntra mi
 mes, ta kiko mi amigo lo bay
 bisa si e mester mirabo asina.
 Mi ta kere cu e lo a imagina
 bo vacacion di otro manera." "por
 ta Sr. Derix, pero cada hende
 mester trata manera e mes kler.
 Bon bisa, Sr. Brandt a obligami
 pa tuma vacacion. Mi tin miedo
 di keda mi so semper. Mi no sa,
 si bo por comprendemi, Sr. De-
 rix. Kizas abo si ta gusta so-
 le-

dad." Y despues el a agrega amaro:
 "Mi a sinja di haya miedo y
 odio soledad." "Cada hende
 mester di compania di otro, Sr.
 Roder", e homber a bisa calmo.
 E no a muestra strango di Jetta
 su palabranan. "Hasta esnan, cu
 kler aparta nan mes, despues di
 a haya un aventura terribel, ta
 sinti den nan curazon semper
 bay e deseo pa un hende, cu ta
 sinti mescos cu nan.
 Y nan soledad ta bira cada dia
 mas pisa y mas hopi. Un mirada
 pensativo di su wowonan a con-
 move Jetta. "Cu mi ta mescos
 Stra. Roder. Hopi blaha mi ta bus-
 ca soledad, y pa despues di algun
 rato, mi bolbe huy di dje. E ora
 ey mi ta bolbe busca compania,
 y e ora ey mi por ta contenta
 trobe cu nan, manera cu semper
 mi tabata junto cu nan." "Cu
 un curazon alegre, bo por ta
 contento masha facil, Sr. Derix.
 Pero si bo tin un carga pisa, e

ora ey bo ta perde fe den bida."
 Sin kler, e mester a pensa riba
 e carta, cu su amigo a skirbie.
 "Mi ta manda un mucha muhe pa
 bin saludabo", Abogado
 Brandt a skirbi. "Haci mi un
 fabor, y waak un poco pe."

"E ta sinti un poco fe muchu,
 pero e no tin e curashi y
 botuntad pa esey. Su destino
 tabata duro. Inocente ei a bira
 culpable. Mi no por contabo na
 da mas, mi trabao no ta permiti-
 mi pa dunabo mas informacion.
 Pero keremi, e ta un bon mucha
 muhé. Si mi no tabata asina
 bieueuw, lo mi tume como mi
 senjora. E homber mester a
 pensa riba e palabranan aki. In-
 voluntariamente, e ta puntra su
 mes, ta cua culpa e bunita mu-
 cha serio aki por tin, cu ta stro-
 be pa kere den bida. Jetta no por
 sospecha nada di e pensamiento
 ey, pasobra Derix su cara calmo
 y serio, no ta muestra nada di su
 pensamentonan. E homber a ianta
 para y a coy un serbete di cushi-
 na. "Mi ta ofresehopa mi yulabo,
 Srta.", el a bisa. Y e no a papia
 nada di e conversacion anterior.
 Derix ta conté di su trabou y to-
 cante e muchanan, y e tabata con-
 ta asina animá, cu mas cu un bla-
 ha Jetta a haricordial. Pronto
 cushina tabata hole dushi. "Mi
 stoma ta ronca caba, Srta. Roder.
 Awor numa mi ta sinti cuanto
 hamber mi tin, "el a bise. "Bi-

sami uncos, Sr. Derix, cuanto an-
 ja Annerie tin?" "Casi dos anja.
 Pa kiko bo kier sa esey?" "Wei,
 pasobra mi kier sa, si mi mester
 traha un papel special pe." "No,
 Srta. Roder. Pa e golosin aki, bo
 por wei di jena un garoshi jen di
 cuminda, e ta come te ora e re-
 menta. E muchanan aki ta terri-
 bel. Nan ta come tur cos cu pre-
 senta nan dianti. Ta terribel di
 berdad!" Ei ta muestra asina co-
 mico den su desesperacion, cu
 di repente Jetta a cuminsa sinti
 un sentimento strango y tierno.
 "Esey lo drecha, Sr. Derix" ei
 a console. "E cos ta, cu e mu-
 chanan no ta come na ora. Lo bo
 mira, asina cu bo swa binl, y tur
 cos lo sigui normal, e ora ey e
 muchanan lo bolbe come normal
 tambe." "Bo ta kere esey di ber-
 dad, Srta. Roder?" Su harí no a
 zona mucho convenci. "Mi swa,
 no ta mucho bon ama di cas, y
 menos como kokki." "Peropaki-
 ko bo ta pidi net é pa bini anto?"
 Ei a hiza su shoulder. "Kiko o-
 tro mi mester haci? Mi no por
 keda corre henter dia, tras e
 muchanan. Mi tambe tin un tra-
 bou, mi mester gana mi pam, pa
 asina e muchanan por biba. Y e
 ora ey mi a pensa: mihor Gerda
 cu ningun hende". Pero esey
 no ta bon, Sr. Derix. Mucha mes-
 ter di semehante cuida." E wo-
 nonan gris a keda miré asom-
 bra. "Bo ta compronde algo di

mucha, Srta. Roder?" "Mi ta
 gusta mucha, Sr. Derix", Jetta
 a contesta trankil. "Y mucha
 mester di stimacion, pa asina
 nan no bira victima di bida des-
 pues." Di repente nan a tende
 un zonido paf. E homber a cor-
 re bai na e bentana. "Kiko a pa-
 sa Gisei? Annerie ta grita ma-
 nera un porco cu nan a mata!"

"Ei a cay papa. Su nanishi ta
 sangra." "Esey tambe", e hom-
 ber ta bisa, mientras e ta hala ro-
 sea pisa. Pero no tabata tin ningun
 hende den cushina. El a corre bay
 paf. y a mira con e figura delegá
 di e mucha muhe ta buk riba e
 criatura, mientras e ta papia ca-
 rinjoso cu né. Mesora e mucha a
 stop di grita, y dos wowo granda
 keda mire asombra y strango. Y
 despues a aparecé un sonrís con-
 fiable riba cara di e chikito, y ora
 Jetta a habri man pe, mesora el a
 lague hize.

Di repente Jetta a sinti cu e tin su
 mes jiu muherteni den su brazanan
 y involuntariamente e ta suspira.

Derix a keda inmovible para mey
 mey di e porta. "Papa..." Jetta a
 drey mira y su cara bira corra, o-
 ra cu el a mira e miradadi e hom-
 ber. El a canabay sercadje, y a
 trata pa domina su emocion.

E ta sigui....

RIP KIRBY


pa cortesia di:

JAN BODEGOM & CO (ARUBA) N.V.Agente exclusivo di **FRIESCHE VLAG** lechi evaporado y lechi en polvo**MAXWELL HOUSE KOFFIE.****CISCO KID**

pa cortesia di:

ARUBA BOTTLING COMPANY


NESBITTS den varios sabor, e refresconan mas pidi y mas gusta na Aruba.

**BUCHI ROBEZ****PEPITA**

with compliments of

OFICINA MARITIMA DE ARUBADOCUMENTATION & TRANSPORTATION
FOR INCOMING, LOCAL & OUTGOING CARGOES BY AIR, SEA AND LAND**DICK TRACY**

presenta pa cortesia di

VICTORIA BOTTLING COMPANYPEPSI-COLA --- SEVEN UP ---- GRAPETTE - KIST -- VICTORIA SODA WATER ---
BUFFALO ROCK --- GINGER ALE ---**Horoscopo personal**

ARIES-21 di maart-20 di april-
Laga bo compañeronan di trabao
conoce bo ideanan encunto bo
actual disputanan pero bo mes-
ter tin tacto.

TAURO-21 di april-21 di mei-
Percura pa ningun hende no en-
tremete den bo asuntunan parti-
cular y asina lo bo evita ki-
bramentunan di cabes mas laat.

GEMINIS-22 di mei-21 di juni-
Permanece fiel pa e multitud.
Salvo cu bo actividadnan ta per-
hudica bo integridad, lo ta mi-
hor cu bo ta cu nan di trata di
hasi e cosnan bo so.

CANCER-22 di juni-23 di juli-
Cuminsa traha bon e dialuna aki
y deshasi bo mes di cosnan
pendiente. Termina e trabaonan
di cas y di oficina.

LEO-24 di juli-23 di augustus-
Evita di hasi decisionnan impor-
tante referente na un trabao
te ora cu bo a hanja e oportu-
nidad di trata e cuestionnan
cu un persona experto.

VIRGO-24 di augustus-23 di sep-
tember-Bo mester por saca un
bon utilidad di bo inversionnan
commercial e dia aki.
Sinembargo bo mester conoce
plaza bon prome cu bo come-
te errornan.

**BO A SPERA
MAS KILOMETRO
FOR DI BO
TYRENAN**

... ANTO CUMRA

DUNLOP

**NAN TA DURA MAS
Y...NO TA COSTA
MAS**

Agente na Aruba:

**N.V. WARENHUIS
VAN DER REE**

Oranjestad - tel. 1213

LIBRA-24 di september-23 di
october-Saca probecho di e er-
rornan di otro personanan. Man-
tene bo mes alerta y no per-
de loke bo a gana.

ESCORPION-24 do october-22 di
november-Cerclora bo mes di
bo plannan prome cu bo conta
otro hendenan cu lo pone esa-
kinan na vigor.

SAGITARIO-23 di november-22
di december-Evita errornan le-
gal pero no comprometebo mes
di e asunto cu bo tin na man.
Esaki ta un dia cu Sagitario
mester lucha pa su derechonan.

CAPRICORNIO-23 di december-
20 di januari-Capricornio cu su
principal interes ta ganancia e
dia aki lo worde desiluciona
e dia aki, pero tur cos lo sa-
li bon den reino espiritual.

ACUARIO-21 di januari-19 di fe-
bruari-Laga trabaonan especia-
lisá pa especialistanan. Lo ta
mihor pa bo si bo hasi e tra-
bao cu bo mes conoce.

PISCIS-20 di februari- 20 di
maart-Esaki ta un dia riba cual
bo mester ahorra plaka. Ta ma-
sha probable cu lo tin mester
di plaka pronto pero no mal-
gasta esaki.